

ղամախինների տնկարաններով, գեղեցիկ պտղատու այգիներով և ծովանման արտերով, իսկ մօտակալ մակերևութը ներկայացնում է հսկայ սարերի և խորգուբորգ ձորերի և բլուրների մի ժխոր թաւշեայ կանաչով ծածկւած: Այդ սարերն ու բլուրները միանում են և երևան հանում բնութեան հմայիչ տեսարաններ. նայում ես անվերջ հմայիչ այդ տեսարաններին, նրա ծառազարդ ծովանման արտերին և յափշտակում բնութեան այդ գեղեցիկ պատկերներով:

Այստեղ փողոցները համեմատաբար մաքուր և գեղեցիկ են, շատ տեղերում լալն. տներից շատերը մի կամ երկկարկանի են, բաւական մաքուր և գեղեցիկ շինւած, որոնցից շատերի առաջ կան պարտէզներ:

Գիւղի մէջ, երկու կողմերում շարքով տնկւած սուբրախիտ ուռենիների և կաղամախիների միջով ձգւում է Խանլիի առու. դա սկիզբ է առնում Շէլկունի դաշտավայրերի փէշից բղտող բազմաթիւ աղբիւրներից և ուրբապտոյտ հոսելով՝ ոռոգում է ամբողջ Ներքին-Խօյգանի դաշտավայրերն և ապա խառնւում է Զայնգէրուզին և այնտեղից թեքւում դէպի Նոր—Ջուղա: Իսկ արտերի փէշերից, հիւսիս-արևելեան կողմից անցնում է Ներքին առու. սա սկիզբ է առնում Պօյունուից և անցում Սանգիբարանի միջով:

Ունենալով այսպիսի կազմութիւն, Վերին-Խօյգանը հարուստ է վարելահողերով և ջրով, որոնց շնորհիւ այդ դաշտըն արտադրում է ընտիր հացահատիկներ, ամեն տեսակ պտղատու ծառեր, դանազան բոյսեր և այլ տեսակի բերքեր:

Գիւղի հարաւային կողմում, արևելքից դէպի արևմուտք ուղղութեամբ, իբրև բնական պատնէշ, մեն-մենակ ցցւած է վիթխարի, ժայռոտ և ձիւնածածկ Խօշկարու լեռնաշղթան, որի առջև դէմ-դիմաց ընկած են երկու սիրուն բլուրներ. ահա նրանց կրճքերի վրայ փուլած են Վերին—Խօյգանի այգիները, որ ունեն խիստ բանաստեղծական տեսք և աւելի գեղեցկութիւն են տալիս գիւղին:

Գիւղի հիմք գցողներն եկած են Հին—Ջուղայի Խօյ գիւ-